



Uhapšen Jerko Ivanković Lijanović, aktuelni ministar poljoprivrede FBiH

**PRIVEDENO 11 OSOBA U AKCIJI "MESO",**  
među njima jedan poslanik i dva ministra u Vladi FBiH

Privođenje Milorada Bahija, ministra trgovine FBiH

# LIJANOVIĆI

## uhapšeni zbog 11,6 miliona KM štete

str. 2 i 3

Privedeno 11 osoba u akciji "Meso", među njima

# Lijanovići uhapšeni 11,6 milion

## Imunitet ih ne štiti

●●● Mladena Ivankovića Lijanovića, uhapšenog poslanika u Predstavničkom domu bh. parlamenta, zastupnički imunitet ne štiti od krivičnog gonjenja u predmetu "Meso", u kojem je jedan od osumnjičenih. Od krivičnog gonjenja imunitetom nisu zaštićeni ni uhapšeni ministri u Vladi FBiH Jerko Ivanković Lijanović i Milorad Bahilj.

"Po zakonima o imunitetu, član parlamenta ima imunitet od krivičnog gonjenja samo za radnje koje se tiču poslova zastupnika ili delegata. Nosioci funkcija u izvršnoj vlasti, u ovom slučaju ministri, imunitetom nisu zaštićeni ni od krivičnog gonjenja za radnje koje imaju veze sa njihovim poslovima u izvršnoj vlasti", objasnili su u parlamentima BiH i FBiH.

## Krivična djela: Jedanaestoro uhapšenih osumnjičeni su za neplaćanje poreza, poresku utaju ili prevaru te za pranje novca

### Nihad HASIĆ

SARAJEVO - Poslanik u parlamentu BiH Mladen Ivanković Lijanović, njegov brat Jerko Ivanković Lijanović, ministar poljoprivrede FBiH, ministar trgovine FBiH Milorad Bahilj i još osam osoba uhapšeno je juče zbog organizovanog kriminala, kojim je budžet BiH oštećen za najmanje 11,6 miliona KM.

Jedanaestoro uhapšenih osumnjičeni su za neplaćanje poreza, poresku utaju ili prevaru, te za pranje novca. Za ista krivična djela Tužilaštvo BiH, po čijem nalogu su hapšenja izvršena u Sarajevu, Mostaru, Širokom Brijegu i Grudama, tereti još tri osobe, ali one su juče samo saslušane.

Uz Mladena i Jerka, uhapšena su i njihova druga dva brata



Slavo i Jozo Ivanković Lijanović, suvlasnici porodične firme "Lijanovići" Široki Brijeg.

**META ISTRAGE:** Upravo su poslovi firme "Lijanovići" i ostalih pet povezanih fiktivnih preduzeća meta dugogodišnje istrage u predmetu "Meso", koja je i rezultirala hapšenjima. Za pripadništvo ovoj četrnaestočlanoj kriminalnoj grupi Tužilaštvo BiH sumnjiči i Stipu - Lijana Ivankovića, oca uhapšene braće Ivanković Lijanović, koji nije priveden.

"Pripadnici ove organizirane kriminalne grupe osnivali su više fiktivnih preduzeća na koja su u cijelosti prenosili svoju proizvodnju, a koja su zatim nastavljala obavljati proizvodnju sa istim zaposlenim, u istim prostorijama, istim pogonima i po istoj licenci", izjavila je Kristina Jozić, glasnogovornica SIPA, čijih je više od 200 pripadnika učestvovalo u hapšenjima i pretresima na 17 lokacija u Sarajevu, Širokom Brijegu, Grudama i Mostaru.

## Većim suđeno

●●● Četvorici braće Ivanković Lijanović već je suđeno u Sudu BiH zbog organizovanog kriminala u vezi sa carinskim prevarama pri uvozu pilećeg mesa. Suđeno im je zajedno sa aktuelnim liderom HDZ BiH Draganom Čovićem, koji je bio optužen da je pomogao Lijanovićim u vrijeme

dok je bio ministar finansija FBiH. Prvostepenom presudom Lijanovići su bili oslobođeni, a Čović suđeni na pet godina zatvora. No, pravosnažnom presudom Suda BiH iz 2008. godine svi su oslobođeni nakon što je tužilac odustao od svih optužbi protiv braće Lijanović.



■ Privođenje Milorada Bahilja, ministra trgovine FBiH



■ SIPA privodi Mladena Ivankovića Lijanovića

Fiktivne firme osnivane su kapitalom od 2.000 KM, a potom poslujući u pogonima i s licen-

com kompanije "Lijanovići" stvarale dugove državi i na kraju su gašene. U izvještajima UIO BiH,

jedan poslanik i dva ministra u Vladi FBiH

# uhapšeni zbog na KM štete



Uhapšen  
Jerko Ivanković  
Lijanović,  
aktuelni ministar  
poljoprivrede FBiH

OSNIVANE  
FIKTIVNE  
FIRME

koji su od 2011. godine podnošeni Tužilaštvu BiH, navedene su nezakonitosti u poslovanju pet takvih s "Lijanovićima" povezanih preduzeća: "Farmko", MI-MO, "Farmer - mesna industrija", "Laktat" i "ZD.I - Produkt". Odgovorne osobe u ovim fiktivnim firmama, u različitim periodima, bile su aktuelni ministar trgovine FBiH Milorad Bahilj, te Jozo Slišković, Željko Mikulić, Zdravko Ivanković, Draženko Kvesić, Mirko Galić i Mirjana Šakota.

**MOZAK SVIH PREVARA:** Svi oni su pohapšeni, a Mirjana Šakota, prema nezvaničnim informacijama, bila je "mozak svih prevara". Šakota je u spornim firmama bila glavni knjigovoda.

Istragom je utvrđeno da je organizovana grupa, predvođena Lijanovićima, više od 11,6 miliona KM nezakonite dobiti stekla neplaćanjem i utajom PDV-a, nenamjenskim korištenjem podsticaja za razvoj poljoprivrede i kradom zaliha robe Federalne direkcije za robne rezerve.

## "Policija tempirala akciju"

●●● Osumnjičeni Mladen Ivanković Lijanović predsjednik je Narodne stranke Radom za boljitak, a njegov brat Jerko potpredsjednik te partije. Kadar stranke Radom za boljitak je i Milorad Bahilj, uhapšeni ministar trgovine FBiH.

Mersed Šerifović, potpredsjednik ove stranke, kazao je novinarima da nemaju nikakvih informacija o hapšenjima. "Predsjedništvo stranke podržava vladavinu prava i institucije BiH, no, vrlo je očigledno da su policijske strukture tempirale izvođenje određenih aktivnosti i bacile sumnju na kredibilitet i profesionalnost", ocijenio je Šerifović dodavši da Radom za boljitak planira vrlo energično započeti predizbomnu kampanju.

"Dobit je stečena i neprikazivanjem realizacije naplaćene u gotovini za robu prodatu na crnom tržištu. Da prikriju porijeklo nezakonito stečene koristi, navedeni novčani iznos vraćali su u legalne finansijske tokove davanjem pozajmica i otkupom udjela od određenih pravnih osoba, te uplatom gotovine na račune", precizirala je Jozićeva.

U Tužilaštvu BiH tvrde da je istraga protiv Lijanovića u akciji "Meso" jedan od najsloženijih predmeta organizovanog kriminala u postdejtonskoj BiH.

"Radi se, između ostalog, o poreznim utajama u iznosima od više od 11 milijuna KM, koje su počinjene sa osnivanjem i kasnijim fiktivnim gašenjem poduzeća, sa ostavljenim velikim dugom za porez. Poduzeća su se bavila uvozom, proizvodnjom i preradom mesa i mesnih preradevina", rekao je Boris Grubešić, glasnogovornik Tužilaštva BiH, istakavši da su pripadnicima SIPA pomogli i pripadnici MUP-ova Zapadnohercegovačkog i Hercegovačko-neretvanskog kantona.



**BRAĆA**

**Uz Mladena i Jerka, uhapšena su i njihova druga dva brata Slavo i Jozo Ivanković Lijanović**

Osim imovine 14 osumnjičenih, pretresi su izvršeni i u preduzećima "Lijanovići" i "Kora-fin" u Širokom Brijegu, te u mostarskoj firmi "Velmos Company".

**PRETRES IMOVINE:** U Sarajevu su pripadnici SIPA uhapšili samo ministra poljoprivrede i potpredsjednika Vlade FBiH Jerka Ivankovića Lijanovića, koji je potom prevezen u Široki Brijeg da bi prisustvovao pretresu njegove imovine. On je ranije govorio da podržava akciju "Meso", a i juče je, okružen specijalcima SIPA, ponovio slično.

"Ova akcija je početak političke izborne kampanje. Podržavam naše institucije, neka rade svoj posao, nema ništa sporno", kazao je Ivanković Lijanović novinarima, a pripadnicima SIPA oslovljavao je sa "kolege".

Svih jedanaestoro uhapšenih je iz Hercegovine prevezeno u sjedište SIPA u Istočnom Sarajevu. Nakon kriminalističke obrade biće predati u nadležnost Tužilaštva BiH.

Iz UIO BiH saopštili su da su hapšenja rezultat rada njihovih službenika koji su prethodnih godina istražili nepravilnosti u prometovanju mesa i mesnih preradevina kod nekoliko poreskih obveznika, nakon čega su izvještaje prosljedili Tužilaštvu BiH. Prvi izvještaj prosljedjen je 2011. godine, nakon čega je dopunjen prošle i ove godine.

"Tim izvještajima obuhvaćeno je 14 fizičkih lica i šest pravnih lica, koja su osumnjičena da su počinila veći broj krivičnih djela iz oblasti indirektnih poreza", izjavio je Ratko Kovačević, glasnogovornik UIO BiH.